

新制公文程式

三

行頒近最一府政民國

新制公文程式

精裝一冊——平裝二冊

民國二十年三月五版

每部精裝二元六角
定價平裝二元

有著作權

翻印必究

著者 張虛白
校閱者 時希聖

總發行所

上海棋盤街
廣益書局

本發行所

上海福州路中市
廣益書局

外發行所

廣東長沙漢口江西
北平開封宜昌奉天
廣益書局

國民政府
最近頒行
新制公文程式

第三編 下行公文

第一章 訓令

第一節 訓令說明

以上詔下。通謂之令。訓令者乃政府指揮全國。及上級機關對於下級機關有所諭飭或差委時所用。

訓令之類有二。一曰通令。乃上級機關令知所屬各機關或一般民衆通行之令文。一卽訓令。係含有訓迪或誥誡意思之一種以上逮下之檄令公文也。茲並輯錄如下。

至政府公布法律條律。或任免官員等所用之令文。其內容均有一定格式。應用之時。等諸填寫空白。實無文理可言。故不贅述。

訓令及其他令文之程式。俱見後公文程式圖表。

第二節 訓令用語

爲訓令事 此爲訓令之開端語。凡屬訓令多用之。

爲令知事 此句用法與前條相同。

爲令行事 此亦令文中之開端語也。

據 此爲敘述下級來文之起引詞。間亦用於訓令之首。

案據 此二字意義與前條同。因有前案可查。故加一案字。

稱 此爲敘錄下級官署。或人民來文之敘述語。如述呈曰『呈稱。』述稟曰『稟稱。』

等情 凡叙下級來文。如呈稟等。可用此句作收束語。

等語 此爲敘述函電。或面稟之收束語。

據此 用法與『奉此』『准此』相同。凡叙下級官署。或人民呈稟之文。則用『據此』爲承

上轉下之語。

據呈前情 此係下行公文之套語。凡前用據此二字承轉者。於敘述辦法之後。當用此四字照

願前文。

除分令外。或除分別示諭外。此兩句用於令文收束處。舊謂同一事件。更須分別命令。或分別批諭也。

除批示外。此句用法。與前條相同。例如『除批示外。合亟令仰該縣長查明呈覆。』『除批示外。合行令飭該局長遵照』等句。爲令文之外。已另有批示也。

合行。此二字在下行令文中。如『合行訓令』『合行令仰』等句。用法與上行文之『理合』『平行文之』『相應』相同。

合亟。用法與前條相同。如『合亟令飭』『合亟令知』之類。

該。此爲上對下之直稱。稱人則如『該委員』『該縣長』『該市政廳長』。稱地則如『該省』『該鄉』『該村』。稱團體則如『該院』『該局』『該校』。各等句。

本。此爲上級官廳之代名詞。於人則有『本委員』『本縣長』等。於地則有『本省』『本鎮』等。於團體則有『本廳』『本局』等。稱謂。

仰 此亦令文中命下之詞。仰字當作著字解。如『仰即知照』『仰候核奪』等句是也。

著 用法與前條相同。如『著毋庸議』『著即遵照辦理』

即便知照 此句用於令文之末。使之照辦也。

遵照辦理 此句用於令文之末。使之遵辦也。

有厚望焉 於句用於令文之末。含有激勵意。

切切 此爲令文末之叮嚀語。『如切切此令』『切切毋違』等句。

第三節 黨務訓令

國民政府通令整飭綱紀文

民國肇造。倏擾頻年。綱紀蕩然。羣倫軼範。卽我義師初起時。以軍閥猶張。方殫力於誅姦。亦力籌於清本。今則完成統一。計日可待。根本之圖。在端超向。風聲所樹。咸應率從。斷非曠渙之心。能起衰頹之象。尤非補苴之術。可策長久之安。共矢精誠。羣相繫屬。國維不墮。黨義乃彰。效指臂於中樞。同車書於海宇。整綱飭紀。黨務爲先。凡我國人。悉宜加勉。切切此令。

中央黨部訓令全體黨員爲日本蔑視中國主權出兵山東文

爲訓令事。我國民革命軍此次北伐迭獲勝利，剪滅殘餘軍閥，完成國民革命，指顧可期。乃日本政府忽反藉口保護日僑，出兵膠濟。此種毫無理由之暴舉，實屬蔑視中國主權，甘冒國民間之大不韙。當此各地民衆反對日本出兵舉動十分激昂之際，吾中國國民黨全體黨員宜以嚴整之精神，爲正當之指導。（其一）此次日本出兵，是田中內閣悖謬之措施，不特其國內民黨素持反對，且亦非日本國民之所願爲。故吾人宜保持向來希望兩國親善程度，責望日本國民及民黨在最短期間糾正其內閣之謬舉。（其二）日本出兵山東舉動，侵犯我國主權，違反國際正義，吾人應以正義昭告世界各國，引起其贊成中國獨立自由平等之同情。對外僑生命財產，無論在戰地與非戰地，均保護其安全。（其三）吾人爲獨立自由計，爲誓死反對帝國主義者之侵畧計，誓必於最短期間完成北伐。但前綫之進行與後方之鞏固同一重要。吾人宜嚴行保持秩序，遵守紀律，使前敵將士一意向前，無內顧憂。故吾人之言論行動，務須遵照中央所指示之標準，不得稍有違背。凡一切無益之舉動，如罷工罷課足引起後方治安之顧慮者，皆應避免。各地共產黨徒難保不乘此時機

煽惑謀亂。尤須特別注意。勿給與彼等以搗亂之機會。凡此意義。除隨時製定方案。分令各級黨部嚴密遵行外。合行訓令全體黨員。悉體此意。領導民衆。切實遵行。惟再接再厲之勇氣。方足以排除國難。惟同心同德之精神。方足以完成大業。萬望我全體黨員注意毋忽。此令。

中央黨部通令各指導委員屏絕應酬文

爲訓令事。此次派赴各省各特別市黨務指導委員。負有鞏固黨基整理黨務之重大責任。自應屏除一切繁縟酬對。專注心力。以赴事功。誠以年來黨務迭經停頓。革命事業坐致稽遲。現在併日力作。猶虞不給。紛紜弛驚。何能有濟。中央爲慎重黨務督促工作。特發訓令。各同志此次受黨使命。務須確實履行。力懲頹習。凡到達各省地方。所有歡迎酬酢。應卽一概謝絕。以表現忠實服務之精神。是爲至要。此令。

中央黨部訓令滬市指導委員會實行徵收所得稅文

爲令遵事。案查所得捐徵收條例。早經中央頒布。茲經中央財務會議決議。自本年四月份起。實行征取。並經函請國民政府通令各機關遵照。本月十四日中央第一三七次常務會議。復決議各

級黨部人員。一律照所得捐條例徵收。所得捐各在案。合行檢同條例。令仰該會。即便遵照辦理。并轉行所屬一體遵辦。所有徵收捐款。并仰隨時彙解本會核收。是爲至要。此令。

中央黨部訓令全體黨員對於黨務指導委員務須嚴守紀律文

爲訓令事。此次中央所派黨務指導委員。事前詳立標準。慎重考察。並採各地方情形。期於適合實際工作。此後各地方黨務之整理。民衆之訓練。皆所資賴。凡我同志。自當深體中央任務之重。服從黨命。共同努力。不得假藉黨部及民衆團體之名義。擅布主張。妄施攻擊。使黨務更受影響。中央爲此。已令國府通令各省政府。對於各指導委員。負責保護。茲特訓令全體黨員。共體此意。務須嚴守紀律。不得有軌外舉動。是爲至要。此令。

浙江省黨務指導委員會通令各級黨部爲議決施行對日經濟絕交辦法文

爲令行事。茲經議決。對日經濟絕交辦法大要如下。一、指導各種民衆團體。如商會商民協會學生會工會農會婦女協會等。與日有交易往來之各行商。聯合組織抵制仇貨委員會。主持關於對

新制公文程式。第三編 下行公文 第一章 訓令

八

日經濟絕交一切事宜。二、抵制仇貨委員會委員之人數。由該會自行訂定之。但其全體。以能普遍的。代表各界民衆團體爲原則。不能由任何方面獨占多數。三、抵制仇貨委員會設總務宣傳調查糾察等科。四、抵制仇貨委員會之目的。在使日本經濟上受極大之打擊。並喚醒日本民衆的覺悟。起而抵抗軍閥政治。五、絕交委員會之主要工作。爲實行拒用日本銀行鈔票。提取日本銀行存款。停付日本匯兌款項。及買賣貨物等。所有日本工廠日本洋行日本家庭或私人之僱員及傭工等。暫不採用罷工手段。以免影響工人生計。六、所有已向日商定購之貨物。須一律發電通知停止起運。其已經付價不及停止者。須由抵制仇貨委員會將定單查明。蓋印編定號數。詳細統計。准其提取。並規定以後不得繼續定購。七、所有棧房屯積或商店餘存之日貨。一律由對日經濟絕交委員會查明蓋印封存。八、日本所產各種原料。爲中國製造上或生活上所必不可少者。得由委員會執照爲憑。不得擅自交易。九、委員會須切實注意聯合碼頭工人棧房工人海員等。實行制止日貨之運輸。及提取。十、委員會如與各行商發生糾紛時。由民衆組織之仲裁機關判定之。其條例另行規定。十一、奸商懲戒簡章另定之。十二、委員會開辦及維持費用。均由各機關民衆團體及行商。憑其

愛國熱忱捐助或籌墊十三、凡奸商罰款一律存儲備慈善機關事業之用。十四、對日經濟絕交之期間由全國抵制委員會根據外交之形勢規定之。但各地務須一致不得先後參差。十五、其餘未盡事宜由各地按照情形酌量辦理。仰各該黨部並轉飭所屬各級黨部一體遵照施行。此令。

浙江省黨務指導委員會訓令各級黨部爲頒行五卅慘案對付方案文

爲令行事。茲制定五卅慘案對付方案如下。在此北伐進行順利中。突新發現日兵在濟南空前之暴行。戕害我交涉使。殺傷我同志。同胞千餘人。此種不幸之遭遇。愛國同胞。何能忍受。苟雪此恥。雖粉身碎骨。亦所甘心。第念日本帝國主義者所加於中國之創痛。至深且鉅。非集全民之財力武力。出以有訓練有計劃之爭鬪。斷不能摧此強暴。固我國權。若激於一朝之忿。爲無訓練無計劃之舉。不特於國無益。勢必墮其術中。更增困辱。因此之故。本黨對此慘案。應以較遠之眼光。作積極之準備。下列方案。卽基於此。願吾同志以堅忍刻苦之精神執行之。一、五卅慘案及以前一切不平等條約。本黨必以最後最大之勢力。澈底解決之。欲澈底解決。須積極爲武力體力財力之準備。同時

同志應喚起民衆於潛竊問題之研究。及現勢之瞭解。二、爲求民族之獨立自由。須先充裕民族之富力。欲充裕民族之富力。須增加國貨之產額。故提倡國貨以抵制日貨。使日貨經濟力無法再壟斷我國之市場。實爲今日以及將來之要着。惟提倡國貨。自有相當之範圍。如封閉商店燒燬存貨等。有害無益。不宜採用。三、本黨對五卅慘案。已羅列事實。宣告於世界人民。國際聯盟。以及日本民黨。求公理正義之援助。此種有利益之宣傳。本黨應努力進行。並指導全國人民與本黨一致。四、共產黨無所愛於濟南被害之同胞。且不願中國之統一。於此期或將利用同胞之愛國心。煽成暴動。直接搖動北伐後方。間接掀起更大之寇禍。故本黨應勸告全國民衆。要整齊嚴肅。準備最後最大的奮鬥。不可無計劃無組織。甚至於無目的之動作。五、五卅慘案之發生。日本帝國主義者意圖挑撥。其目的。一爲鎮壓其國內政潮。二爲延長中國殘餘軍閥之運命。蔣總司令暨前敵同志。已燭破其故。雖被加橫逆。仍力持鎮靜。惟能忍人所不能忍。乃能成人所不能成。願本黨同志與愛國同胞。體念前敵同志之苦心。暨時局之嚴重。勿中日本軍閥之奸計。且注意於日僑生命財產之安全。使日本軍閥無可藉口。六、本黨於日本出兵膠濟時。曾製定應行方案八條。頒布於各級黨部。現因五

卅慘案之發生。特舉前方案所未及或及而未詳者。製定上五項。但前方案仍繼續有效。七、五卅慘案之事實以及外交狀況。本黨隨時布告於民衆。使中央的政策與民衆的意思。息息相通。以一致精神。共濟當前之危局等。合行令仰各級黨部轉飭所屬各級黨部。一體遵照辦理。此令。

山西省指委會通令各縣黨部協同縣政府繪寫標語文

爲通令事。現值訓政時代。急應努力宣傳。務人人了解主義。則一切建設。自易進行。查廣貼標語。實爲宣傳之最好方法。爲此通令各該市縣黨部。迅即協同縣政府。繕製本黨發揮主義。及最近由中央頒發之各種標語。繪寫縣市城鎮大道通衢。以廣宣傳。除分令外。合行令仰該指委會遵照辦理爲要。此令。

上海市指委會通令各級黨部參加「九五」「九七」國恥紀念大

會文

爲通令事。案准市民衆訓練委員會函開。准九月七日下午一時。在總商會舉行「九五」「九七」國恥紀念大會。請爲轉令各級黨部。推派代表參加等由。准此。查九月五日爲英帝國主義炮

擊萬縣紀念日。九月七日爲帝國主義八國聯軍強訂辛丑條約。使中國永淪爲次殖民地之慘痛的紀念日。際此帝國主義變本加厲。對我國國民革命勢力橫加壓迫之時。自應有深切之紀念與表示。爲此仰各級黨部。屆時一體推派代表參加。以資紀念。而增敵愾爲要。此令。

江蘇省黨部通令各縣市特派員一體嚴禁婦女纏足文

爲通令事。茲據本會秘書處籤呈婦女部來函。內稱查婦女纏足。既戕身體。復碍觀瞻。當此革命功成。百政更新之際。斷不容此等病國弱民之陋習。再事留遺。除由敝部編印圖畫以及各種小冊。并印就佈告。分發縣市特派員外縣張貼。以廣勸禁外。相應函請大會。通飭各縣縣知事。協同各特派員一體嚴禁。俾通力合作。易收實效等情。除轉函省政府分飭各縣協助進行外。合亟令仰各該特派員遵照辦理。毋稍怠忽。切切此令。

中央黨部訓令全體黨員爲通告此次戰爭關係黨國重要文

爲通令事。本黨爲完成國民革命實現三民主義。現已命令全軍。併力北伐。所有出師意義。已詳於宣言及宣傳大綱中。茲特以此次戰爭關係黨國之重要。爲諸同志告。溯自黨軍始造。首定兩粵。

叛逆者除。負恃者毀。海軍輔之。聲威益大。北出五嶺。立戡江漢。阻兵會渠。摧夷進仆。遠而陝隴移兵。中原桴鼓。朔方之合。奄有長城。黨義遐宣。無往不克。雷霆奮迅。勢迫僞都焉。數月來師旅小頓。一因帝國主義者潛助中國垂滅之軍閥。得以暫時撐拒。二因本黨過去種種糾紛。都由共產黨從中煽構。黨權震撼。影響指揮。三因本黨爲民衆而戰爭。繼戰事以建設之要義。未曾擴大宣傳。普及北方民衆。故必待根本政略之確立。然後大軍可以進展。以致北方殘餘軍閥。得俄延其垂絕之命。游魂假息。重苦人民。今者羽檄飛馳。長戈北指。以總理之遺訓。黨員之戮力。武裝同志之邁往犧牲。與民衆之同情贊助。必能悉剪凶頑。收功指顧。第此次之戰。以國內言。則爲三民主義之思潮。與數千年封建遺孽。作最後之決鬪。以國際言。則爲要求自由平等之人民。對帝國主義卵翼下之勢力。爲根本之剷除。意義重大。本黨全體同志之職務。實無旁貸。應與武裝同志。共同奮鬪者也。以故肅清暴戾軍閥。結束軍政時期。開國民會議。廢除平等條約。實現以黨建國之精神。均有待於此次勝利。中央執行委員會。以本黨所負使命之鉅重。特發訓令。凡我青天白日旗幟下之戰士。務須淬勵心力。殺敵致果。各同志尤須認得時代環境之革命之需要。恪守本黨紀律與命令。一不忘民衆痛苦。

與前敵戰士之血戰肉搏。前方後方。共此薪膽。二無論任何工作。在何方面。處何困厄。務必貫以決心。共同動作。毋予敵人以反間之機。毋授反動者以可訾之點。任重道遠。時自檢飭。三宣傳黨義。使民衆瞭解本黨暨此次北伐之主旨。因應時機。力求普遍。現在黨國大勳。期於共集。革命政治。樹之風聲。凡我同志。應使全心力獻給於黨。全時間獻給於黨。一切事功。莫不爲黨。必如此始可以推動工作。縮短戰期。催促國民革命之成功。佇待不捷。務共勉之。此令。

江蘇財政廳通令各縣縣長爲支撥縣黨部經費文

爲令遵事。案奉省政府訓令第五九六號內開。本年一月十四日。案准江蘇省黨部臨時執行委員會函開案。准第八七六號大函內開。各縣黨部經費。前經省政府第四十七次政務會議議決。彙集各公團經費。列表呈請中央決定統一辦法。嗣以未奉復示。適准貴黨部咨送重定縣黨部經費標準到府。又經函詢中央特委會秘書處接准答復。審查會尙未定有統一辦法等語。各在案。准咨前由。相應查案函復貴黨部查照等因。准此。查各縣黨務事宜。係歸敵黨部管理。其經費數目。自應代爲規定。似無庸越級。候中央解決可也。仍希查照原案通飭照撥。以重黨務。至叙公誼等由。當於

一月二十日提出本府委員會第二十七次會議議決。各縣黨部經費。依照國民政府批准浙江省政府辦法。暫就縣議參兩會經費數目支用。一面援案呈請國民政府。爲防止共逆陰謀。暫停民衆運動。省縣黨部工作範圍縮小。經費擬請暫就省議會縣議參兩會經費數目支用。俟中央頒布規定黨費統一辦法後。再行遵照辦理等因。並經錄案分別呈請函復各在案。現准國民政府秘書處函開。逕啓者。奉常務委員交下貴省政府爲蘇省各黨部經費議決。依照浙省辦法。暫就縣議參兩會經費數目支用。請備案呈一件。奉諭准予備案等因。相應錄諭函達查照等由。准此。查近來各縣黨部經費問題。因未奉中央規定統一辦法。頗引糾紛。准函前由。除分令民政廳外。合亟令行該廳查照。即便轉飭所屬一體遵照辦理。是爲至要。此令等因。奉此。查各縣縣黨部經費。現奉呈准暫就縣議參兩會經費數目支用。合亟通令各該縣長一體遵照辦理。此令。

上海縣黨部特別委員會訓令縣市黨部一律停止活動文

爲令遵事。案奉江蘇省黨部第八九號訓令內開。案奉中央篠電內開。爲令遵事。查第二屆中央執行委員第四次全體會議。關係各地黨務案。經決議各地各級黨部一律暫行停止活動。聽候中